



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 52. Patriarchæ Constantinopolitani.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII.
A. C. 1151.

c. 71.

74.

interea Hartvicum Archiepiscopum consuluit, qui vehementer hortatus est, ne Investituram a Duce peteret, adjiciens, solum Imperatorem Episcoporum Dominum esse, cujus Vasalli esse Principes ceteri ambirent. Quia autem Saxonie Dux Vicelinum acerbe habebat, decimas detinebat, & quæcunque petebat, denegabat, cessit tandem tempori & investiri se, tradito Baculo, passus est.

Paulo autem post graviter afflictus est, amisso Ditmaro, carissimo suo Discipulo, quem ei in Vigilia Pentecostes die decima septima Maji anno millesimo centesimo quinquagesimo secundo mors eripuit.

§. LII.

Patriarchæ Constantinopolitani.

Cinnam.
lib. 2. c. 18.
Sup. n. 26.

Constantinopoli Patriarcha Nicolaus Muzalon, anno millesimo centesimo quinquagesimo primo, loco cedere compulsus est. Is, cum Ecclesiam Constantinopolitanam regere cœpit, vituperabatur ab omnibus, quod contra Canones Sedem Patriarchalem usurparet, postquam Episcopatum abdicasset, relicta Sede Cypria. Initio equidem animum contra Adversariorum molimina obfirmavit, sed tandem querelis ad Imperatorem delatis, intelligens, certissime futurum, ut causa caderet, noluit diem expectare, qua

qua publice damnaretur, sed dimisso Pa-
 triarchatu discessit, vitam privatorum
 more ducturus, postquam Dignitate Pa-
 triarchali per annos tres & menses qua-
 tuor eminisset. Ipso sedente, synodi-
 ce definitum est, affinitatem, per spon-
 salia inter duos patruales & duas foro-
 res contractam, non esse impedimentum
 matrimonii. Nicolao successit Theodo-
 rus Monachus & Abbas S. Anastasie, ei-
 que rursus quidam Reclusus nomine Neo-
 phytus ex Monasterio *Evergetæ*, id est
 Benefactricis, quod nomen S. Virgini da-
 batur. Tumque in Sedem Constantino-
 politanam euectus est Constantinus
Cbliareus Diaconus & Sacellanus. Ce-
 terum quantum temporis quisque ex his
 Patriarchis federit nescimus, omnes ve-
 ro tres plus quam annos quatuor non
 expleverunt.

§. LIII.

*Nicolai, S. Bernardo ab Epistolis,
 lapsus.*

Jam diu S. Bernardum non latebat, se
 Nicolai Amanuensis sui perfidia læ-
 di; sed tandem anno millesimo centesi-
 mo quinquagesimo primo hominis teme-
 ritas omnibus palam facta est, quo Cla-
 ravalle miser aufugit. Is, natione Fran-
 cus, ab ineunte ætate institutum mona-
 chum.

*Mabil. præf.
 in Serm.
 S. Bern. n. 36*

Hist. Eccles. Tom. XVII.

N sti